



UNIVERSITÄTS-  
BIBLIOTHEK  
PADERBORN

## **Davidis Regii Prophetae Psalterium**

**Moritz <Hessen, Landgraf>**

**Smalcaldiae, 1593**

**VD16 B 3258**

Psalmvs LXXVIII. Attendite popule meus legem &c.

---

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

Tu Deus es, qui mira tuis, & grandia prestas:  
In populis clarent robora nota tuis.  
Tu populum clypeo seruas, dextraq; potente,  
Semine prognatum, magne Iacobe, tuo.  
Flumina te cernunt, Deus, et terrore tremiscunt,  
Horruit & liquidas infima abyssus aquas.  
Et larga imbrifera fundebant flumina nubes,  
Horrendum tonitru nubila regna dabant.  
Fulgentes radii curru super aethere vecti  
Anteeunt arcu spicula missa truci.  
Auditur tonitrus caelo, micat ignibus aether,  
Terra metu subito territa contremuit.  
Per maria alta tibi strata est via, tutus ut ires,  
Semitaq; in fluuiis firma parata tibi.  
Ut sol cum flauas radius transcurrit aristas:  
Sic pedis apparet iam nota nulla tui.  
Sicut oues Pastor, populum sic, Maxime, ducis,  
Per fidum Moisen, perq; Aaron apium.

PSALMVS LXXVIII.

Attendite popule meus legem &c.

**M** Popule, ausculta, faciles mihi commoda &  
Percipias oris verba diserta mei. (aures,  
Attens

Attentusq; audi sapientia dicta virorum,  
Priscorum referam fortia facta Ducum.  
Quae partim auditu, partim experientia habemq;  
Et quaecunq; patres commemorare solent.  
Ne soboles nostra haec, Et qui nascentur ab illa,  
Ignorent, cunctos quae bene nosse decet.  
Ut fiat Domini laus, mira q; gloria nota,  
Quam praesens populo praestitit usq; suo.  
Foedus Jacobi natis sanxitq; deditq;  
Legem, quam doceant, precipiantq; Patres.  
Postera progenies quam discat ametq; nepotum,  
Ex his proueniens sera q; posteritas.  
Indeq; nascentes pueri, ventura q; secla,  
Ut narrent longa haec facta Dei serie.  
Ut nunquam obliti, Dominus quae fecerit ipsis,  
In solo ponant spemq; fidemq; Deo.  
Perfida ne fierent soboles, semperq; rebellis,  
Quales ipsorum saepe fuere patres.  
Quorum non stabiles habuerunt pectora motus,  
Nec tibi cor verè, Ioua, fidele fuit.  
Pugnantes temere, ut quondã de germine Ephra-  
Progeniti, in bello terga dedere fuga. (im  
His licet armatis arcu mittente sagittas

In celeri cursu, spes fuit una super.  
Fœdera sancta Dei non seruauere rebelles,  
Præscripto legis dissona vita fuit.  
Immemoresq; fuere operum, quæ patribus olim,  
Miranda exhibuit, pro bonitate sua.  
In regno Ægypti, patribus spectantibus horum,  
In regione Zoan facta stupenda dedit.  
Per mare diuisum sicco pede duxit euntes,  
Quando instar muri stabat utring; latus.  
Sole uehente diem, nubes defendit ab aestu,  
Flammaq; nocturno tempore duxit eos.  
Dirupit rupes, iam deficientibus undis,  
Ut biberent pleno gutture fontis aquas.  
Cautibus è duris descendere fecit & undas,  
Æquantes cursu flumina magna suo.  
Cum nihilominus adicerent offendere Iouam,  
Per loca sola, & qua tristis Eremus habet.  
Tentantes Dominum labiis & corde maligno,  
Poscebant epulas, luxuriante gula.  
Impia cum iacerent uerba hæc: possit nè Iehoua  
Mensam in deserto sternere pane grauem?  
Esto, dedit celsis manantes rupibus undas,  
Pro populo effundens flumina larga suo.

At da

At dare non poterit Cereris, non dona Lyai,  
Num poterit carnes suppeditare Deus?  
Quaecum perciperet Dominus, non distulit iram,  
Ifacidum accendit castra sed igne suo.  
Promittente Deo auxilium, quod credere nollent,  
Nec Fouam colerent speq; fideq; sua.  
Mandavit residens super alta volumina caeli,  
Expandit portas nubila claustra suas.  
Manna super faciem terra, ceu semina, sparsit,  
Coelesti populum pascere pane parans.  
Angelicumq; cibum caelo dimisit ab alto,  
Cum saturaret eos, diffugiente fame.  
De caelo Eoum ventum demisit & idem,  
Commouit Zephyros cunctipotente manu.  
Ut ruerent carnes, pluuia vel pulueris instar,  
Ifacidis volucres innumeratq; daret.  
Castrorum in medio, ceciderunt undiq; carnes,  
Qua sibi quisq; suas constituere casas.  
Expleruntq; famem dapibus, volucrumq; sapore,  
Ventri indulgentes, delitiosa cohors.  
Lauticiis implet a gula est, vix mensa remota,  
Nec cibus in stomacho sat bene coctus erat:  
Accelerans subito diuini numinis ira,

Prostravit proceres gentis, Iuda, tuae.  
Nil tamen his moti pœnis peccata resumunt  
Pristina, spernentes facta stupenda Dei.  
Propterea is saeva dedit hos succumbere morti,  
Promissa indignos commoditate frui.  
Immites quorum Parca dum stamina rumpunt,  
Infelix illis vita brevisq; fuit.  
Quando dabat letho Deus ipsos, protinus illum  
Querere sunt soliti, & voce rogare sua.  
Manè recordati, fuerit quòd Ioua redemptor,  
Arx, rupes, clypeus, presidiumq; suis.  
Blandiri ore suo & labiis mendacibus ausi  
Huic, colerent ficta quem pietate, Deo.  
Ipse tamen clemens illis ignouit & aequus,  
Sustinuitq; malos, & superesse tulit.  
Imò saepe suam leniuit molliter iram,  
Accendi quoties cœperat illa nimis.  
Cum reputaret eos carnem esse & spiritum, in au-  
Qui semel exhalans, non rediturus, abit. (ras  
Est quoties iustas in Eremito motus ad iras,  
Quem populi effecit culpa dolore, Deus?  
Ceu canis ad vomitum, gens hac quàm saepe reuer-  
Irritans Dominum, deficiendo, suum. (sa est?  
Immes

Immemor atq; manus, redimentis ab hostibus ip-  
Temporis ac Iouæ, quo benè sensit opem. (Jam,  
Quas per Niliacas dederit miracula terras,  
Quanta etiam in terra, facta stupenda, Zoan.  
Cum fluvii ipsorum manarent sanguine fædo,  
Nec reliquæ ullæ essent, quæ biberentur aquæ.  
Cumq; daret bruchum et populantem cuncta locu-  
Atq; omnis nocuas bestiolas generis. (stam,  
Vt popularentur sata læta, boumq; labores,  
Vastantes culti nobile germen agri.  
Grandine concreta cum sterneret undiq; vires,  
Cum teneras moros lederet imbre graui.  
Cum lapide ignito pecora atq; armenta feriret,  
Sterneret horrisono fulmine quando greges.  
Mitteret ac in eos socium cacodæmonis agmen,  
Fra, odio, ac fremitu, et cuncta furore replens.  
Cumq; ira indulgens non vitæ parceret horum,  
Sed primum pecudes peste perire sinens.  
Postea primigenas Ægypti cade tremenda,  
Sustulit in veteris posteritate Chami.  
Sicut oues notum sectantur voce Magistrum:  
Sic duxit populum per loca vasta suum.  
Securum & tutum per mille pericula duxit,

*Niicolas rapidis dum mare mersit aquis.  
Donec eam ad pactam perduxit fœdere terram,  
In montemq; sacrum, quem sibi iure dicat.  
Expulit ante ipsos hostem gentemq; prophanam,  
Regna suo populo ut, sorte fauente, daret.  
Isacidas habitare tribus tunc iussit in illis  
Vrbibus, unde fuit pulsa inimica manus.  
Horum non memores irritauere Iehouam,  
Pacta prophanantes, quæ Deus instituit.  
Retrò abiire patrum vestigia praua secuti,  
Spernentes Domini dogmata sancta sui.  
Immemores pacti studuerunt fallere dictis,  
Ceu fragiles arcus, queis leuis imber obest.  
Commouere Deum, montana idola colentes,  
Iratum meritoq; hunc habuere suo.  
Talibus auditis, flammata excanduit ira,  
Et populum à patria fecit abesse procul.  
Quin & cum fremitu Siloia templa relinquens,  
Deseruit sanctis tecta habitata prius.  
Tunc populi vires obscuro carcere clausit,  
Et maiestatem transtulit hostis atrox.  
Maçtari gladioq; suos permisit, & ingens  
Heredem Domini abiecerat ira suum,*

*Ignis*



Ignis edax iuuenes consumsit Martē potentes,  
Flebilis ac vidua turturis instar erant.  
Presbyteros cadens gladius consumsit acutus,  
Nec viduis licuit flere, dolere, queri.  
At Dominus somno quasi manē excitus ab alto,  
Non secus ac Heros cum mera vina bibit.  
Perculit hostiles turmas in parte pudenda,  
Atq; ignominia non abeunte notat.  
At tua dum reprobat negligens tentoria, Ioseph,  
Reiicit atq; tuam Ioua, Ephraime, tribum.  
Elegit fortem prestanti pectore Iudam,  
Deliciasq; suas, tecta Sionis amat.  
Extruxit loca sancta, Sion in montibus altis,  
Qua non sunt aliquo prateritura die.  
Anteferens aliis Davidem, quem sibi seruum  
Ex stabulis ouium ad regia sceptrā tulit.  
De grege lactenti hunc selegit: ut agmina Iacob  
Utq; Israëlis pasceret ipse gregem.  
Quem sibi commissum studio rexitq; fideli,  
Pectoris & pavit pro integritate sui.

PSALMVS LXXIX.

Deus, venerunt gentes in &c.

Ethni